

Rajoelina Andry

3

Tompon-daka fahatany amin'ny sehatra maromaro

Randrana Sendikaly

7

Tokony ho raisina isam-bolana ny vola fisotroan-dronono

NY VALOSOA

Gazety misheo intelo isan-kerinandro
(Talata - Alakamisy - Sabotsy)

VAO VAO

Talata 16 aogositra 2022

Laharana 1332

Vidiny : 500 Ar

Fankalazana ny faha-20 taonan'ny antoko TIM 2

Nosakanan'ny herim-pamoretan-dRajoelina ny tany Mahajanga



Basket-ball

6

Mahomby rehefa tsy itsabahan-dRajoelina



Nampihorohoro an'Alaotra Mangoro 6

Lavon'ny balan'ny zandary i Bevolo-maso mpaka an-keriny gaigilahy

6

Tetikasan'ny filohampirenena hono

Fianakaviana 300 mahery tadiavina hoesorina amin'ny taniny...

Filoha Ravalomanana 2

Nanome voninahitra ny Tanora Loterana Malagasy



Gidragidra tao amin'ny Jesosy Mamonjy 2

Nisy ny torana, maro ny naratra, potika ny fitaratra sy sezam...
...



Daka kely



Tsy «champion» zany ialahy fa «sans pions» ry Boaikely a !

Afrobasket U18 lahy sy vavy 2022 5
Ilay Malagasy Mathias M'Madi no nahazo amboara be indrindra

www.gvalosoa.com

gvalosoa@yahoo.com

facebook : gazety valosoa rakoto

FILOHA RAVALOMANANA

Nanome voninahitra ny Tanora Loterana Malagasy

Nifarana ny alahady teo ny fitraofambe, na ny fihaonamben'ny Tanora loterana Malagasy manerana ny Nosy, na Firaitsankinan'ny Tanora Kristiana Loterana Malagasy (FKTL), natao tany Mahajanga. Fotoam-pivavahana lehibe nanamorona ny ranomasina, tany amin'ny Village Touristique tao andrenivohitra Boegny, no namaranana izany tamin'ny fomba ofisialy. Nanotrona sy nanome voninahitra izany fotoana izany ny filoha Marc Ravalomanana, izay filoha lefity ny fiangonana FJKM teo aloha, ao anatin'ny FFPM (Fiombonan'ny Fiangonana Protestanta eto Madagasikara), sady ray aman-dreny manana traikefa koa amin'ny fahaiza-mitarika. Ka anisan'ny foto-diany tany an-toerana izay fizarana traikefa izay, tsy ho an'ny ao amin'ny fiangonana FJKM ihany, fa ho an'ny tanora FLM ihany koa. Ny herinandro lasa teo, efa nizara ny fahaiza-manaony amin'izay fahaiza-mitarika, na leadership izay izy, ho an'ireo vehivavy avy amin'ny Dôrkasy FJKM avy amin'ny lafy valon'i Madagasikara tany Antsiranana, dia izao mbola notohizana tany Mahajanga izao. Tao aorian'ny vavaka, nilaharana ny niara-



Ny filoha Ravalomanana, niara-niombom-bavaka tamin'ny tanora ao amin'ny FKTL.

naka sary tamin'ny filoha Marc Ravalomanana tany amoron-driakan'i Mahajanga io.

Isambilo

Fankalazana ny faha-20 taonan'ny antoko TIM

Nosakanan'ny herim-pamoretan-dRajoelina ny tany Mahajanga

Nosakanan'ny herim-pamoretan-dRajoelina ny saika hankalazana ny faha-20 taonan'ny antoko Tiako i Madagasikara (TIM) tany Mahajanga fahitrita Boegny. Araka ny efa tapaky ny bira o pôlitikan'ny antoko sy ny komity mpikarakara, tokony hoentina mitety faritra izany fanamarihana izany, ka nanomboka ny sabotsy teo ary tokony honifarana omaly ny tany Mahajanga, tokony ho natao tao amin'ny Magro any Mahajanga Be. Hattramin'ny sabotsy anefa, tsy navelan'ireo mpitandro filaminana any an-toerana nidiirana izany toerana manokana sy an'olon-tsotra izany, fa hoe tsy nahazo alalana. Tsy mahazo mankalaza ny fetiny ao an-tokantrany izany ny olona, raha ireo mpitandro filaminana sy ny Prefet any Mahajanga no jerena, tena fantsakitsahana ny demokrasia sy didy jadona mihitsy no atao'izao fitondrana Rajoelina izao. Raha ny nambaran'ny mpikatroka TIM tany any-toerana, sy ny solonte-



Ireo herim-pamoretana niandry ny manodidina ny Magro Mahajanga.

nan'ny mponina tafaresaka tamin'ny mpanao gazetin'ny gazety Ny Valosoa Vaovao, rehefa ny avy amin'ny fitondrana anefa no manao hetsika dia avela hanao ny dahn'ny kibony mampiassa ny arabe, manao izay tiany hatao amin'ny hetsika ara-politika homaniny, fa raha ny avy amin'ny antoko mpanohitra toy ny TIM, na amin'ny toerana mikatona sy an'olon-tsotra aza dia tsy azo atao. Tena misy ny mizana tsindrian'ilala. Nizaka nandresy lahatra ireo mpitandro filaminana ihany ireo depioite TIM, notarihan'ny filohan'ny

vondrona parlementany, ny depioite Fetra Rambozafimbololona, ny sekretera jeneraly nasiônaty faharoa ny antoko ny depioiten'Ambohidratrimo Mamy Rabenirina ary ny mpandrindra nasiônaliny ny antoko Jean Claude Rakotonirina, fa tsy nano-katra ny Magro hatramin'ny farany ireo herim-pamoretan'ny fitondrana. Tsy tontosa araka ny niheverana azy arak'izany ny fanamarihana ny faha-20 taonan'ny antoko najoron'ny filoha Marc Ravalomanana. Fampirantiana ny tantaran'ny antoko ho an'ny vahoakan'i Mahajanga anefa no

saika natao tany. Mazava ho azy amin'ny maha hetsika politika ny hetsika, tsy maintsy tokony ho nisy ihany ny kabary politika. Fehiny: tena matahotra fadiranovana ny filoha Marc Ravalomanana, sy ny antoko najorony izao fitondrana Rajoelina izao, hatrany an-tampony, ka hatrany amin'ny rafitra sany any amin'ny faritra. Averina foana anefa ho an'ny mpitondra isan-tsokajiny ny hoe: "tsarovy fa misy fetrany ny zava-drehetra!" Ary ny fanakanana atao'izy ireo, no vao mainka mampakatra ny lazan'ny antoko TIM sy ny filoha mpanorina azy.

Isambilo

Gidragidra tao amin'ny Jesosy Mamony

Nisy ny torana, maro ny naratra, potika ny fitaratra sy seza,...

Mbola nisy indray ny gidragidra na ny korontana tao amin'ny fiangonana Jesosy Mamony Ankorondrano ny alahady teo. Fifandonana teo amin'ireo mitsipaka ny voka-pifidianana ny filankevi-pitantanany'ny fiangonana ity, sy ireo mpomba ny filankevипitantanana vaovao. Raitra tamin'izany ny fifandonana teo amin'ny samy mpino ao amin'ny Fiangonana Jesosy Mamony. Vokany, maro ny naratra, nisy ny torana, potika ny

fitaratra sy ny sezan'ny Fiangonana,... Efa nifandona efa ho 20 min mahery ireo samy mpino, vao tafiditra an-tsehatra tao am-piagonana ny mpitandro filaminana nadamina. Arak'izany, mbo-la rakotra mpitandro filaminana teny an-toerana ny alahady teo io. Tafidiry ny resaka politika ny fiangonana, ka nahatonga fiangonana eo amin'ny samy mpino izao. Ireo avy amin'ny Jesosy Mamony any amin'ny faritra avara-



Stefy

Gidragidra tao amin'ny Fiangonana Jesosy Mamony ny alahady teo.

Ny Valosoa sy fakafaka

Fiainam-pirenena

Mihemotra tsikelikely, miheraka hatrany ny firenena

Maromaro ireo efa nilaza fa misy ny krizy ara-politika deto amintsika, efa mandamina tetika sy paikady sa-mihafa ho enti-matrika ny fotoam-pifidianana taona 2023 ry Rajoelina sy ny ekipany, ka ataony daholo izay fomba anakanana izay antoko politika, na fikambanana hafa manana ny heriny, tsy resiny ary tsy levon' ny vavoniny mihitsy aza, ka mety handrot-saka kandida eo.

Hita sy tsapa ohatra, isaky ny manao zavatra izy ireo ary milaza foana fa tao anatin'izay 62 taona nazoana fahaleovan-tena izay, dia ny azy ihany no mety sy marina, manara-penitra nefo tsy rariny hoy ny vahoaka mahantara, kere, raha ny feo voaangona. Izany hoe misy ireo voatampimaso, voadona tapany ka mandoa erany, ka rehefa tolorana vary tsinjo 5 kg sy siramamy kely fotsiny ihany, dia tsy mahatsiaro intsony ilay fahasahiranana mihoa-pampana, tsy mahatsapa ny loza mitranga, sy izay mety hitranga nefo ny firenena efa mihemotra tsikelikely, re-raka hatrany. Eo koa ny JADONA izay tsy takon'afenina intsony, amelezana ny vahoaka mrobe mitsipaka ny foto-keviny. Raha vao misy hevitra atolotra na tsikera mba hatao, dia lazaina fa mpanohitra tsy rariny foana, nefo mba fomba mety hanatsarana sy anjara atsipy ihany no hevitra amin'izany. Mazava araka izany fa mbola te-hifikitra amin'ny toerany hatrany ry TGV mianakavy, sy ireo mpisolelaka manodidina azy, anisan'izany ny tsy fankatoavana fikaonandoham-pirenena tokony hatao nefo tsy hankasitranan'izy ireo aloha hatreto. Ny hevitry ny maro anefa mahataka-davitra hoy ihany ny fitenintsika Malagasy izay. Misy koa dieny izao, teti-panorona hafa entina atao ho fanisam-bahoaka narocon'ny Ceni, fa mba hanomezana vola 300Ar isaky ny olona voasoratra anarana ho an'ireo iraka voatendry, mpiray tsikombakomba hanao izany, nefo raha ny feo azo avy any Mahanoro, Tsiroanomandidy, Mandoto sy ny hafa... voaray dia efa halatra ambadika sahadyno fonsin'izany. Olona efa voaomana avy no hanao izany, tsy mahalala izay misy sy miseho amin'ny toerana tian-kaleha, tsy mahafantatra izay zava-misy, fianakaviana handehanana, fa dia paik'ady sahadyno hanomanana ny tsy rariny sy ny halatra amin'ny fididianana amin'ny taona ho avy io. Raha fintinina dia matahotra ny mpifanandrina aminy i Boaikely sy ny ekipany, ka na RMDM, na TIM, na HVM,... izay efa miomana amin'izany, dia efa sakanany amin'ny fomba rehetra. Ny vahoaka anefa efa tofoka, satria tena sahirana, ka tsy mahagaga raha misy ny Gasy Leo, izay mbola hiitatra hatrany.

Beharo

Ny Valosoa sy hadihady

Rajoelina Andry

Tompon-daka fahatany amin'ny sehatra maromaro

Fa maro izay naaha-tompondaka ny filohan'ny Repoblika, Rajoelina Andry Nirina, izay tsy mbola nisy nananan'ireo Filoha nifandimby teto nandritra ny enimpolo taona niverenan'ny fahaleo-vantena izay. Tompon-daka maromaro tamin'ny sehatra maromaro tokoa ny tenany. Azo eritreretina fa matoa nahasokatra ny toeram-pialamboly sy fandihi-zana naha dj azy dia mety ho tompondaka ihany koa izy tamin'ity sehatra ity. Tamin'ny fahatanorany ihany koa, araka ny nambarany tamin'ny fomba ofisialy tamin'ny vahoakan'i Toliara, dia efa tompondaka indimy teo amin'ny haiady karate izy. Tsy nolazainy kosa anefa hoe tamin'ny tempana inona avy na tamin'ny sokajy inona avy no naaha-tompodaka azy. Namoaka didy tsy azo ivalozana ny Fitsarana Avo momba ny Lalampanorenana fa Rajoelina Andry ny lany ho filohan'ny Repoblika IV andiany faharoa. Niarahaba azy ny mpifaninana taminy nandritra ny fiodynana faharoa. Fotoana fohy taty aoriania anefa dia nanambara ny filoha lefitry ny Vaomiera Mahaleotena Misahana ny Fididianana tamin'izany, fa nisy « doublon » mihoatry ny iray tapitrisa sy hosoka samihafa nanampy izany. Raha ity tranga ity no jerena dia azo lazaina ho tompondaka amin'ny hosoka sy hala-bato izany ny filohan'ny Repoblika Rajoelina sy ny ekipany, ka tokony homena amboara. Tato anatin'ny efatra taona latsaka kely naaha filohan'ny Repoblika azy izay dia efa tompondaka tamin'ny fanabezan'aizana izy, ka ny nampametram-panontaniana dia tamin'ireo zaza naterany ve no tena nanara-penitra ny fanabezan'aizana sa salan'isan'ny vehivavy nahay nandrindra ny fiterahany rehetra teto Madagaskara, no nahazoany ity amboara ity. Raha itsy voalohany no nahazoany amboara dia rariny sy hitsiny izany, faraha ny faharoa kosa dia tokony ho ny minisitera izay nanolotra ny amboara no tokony notolorana izany ka izy filohan'ny Repoblika no nanolotra izany ho an'ny minisitra misahana ny Fahasalamam-bahoaka. Azo heverina ihany koa fa raha nahazoam-bokatra araka ny nieritreretany azy ny CVO, izay niandrandrany ny mason'izao tontolo izao nitodika taty Madagaskara, dia ho nahazo amboara tamin'ny maha tompondaka azy eo amin'ny sehatry ny famokarana fanofody bio-lojika koa Rajoelina Andry. Efa nanangana ny orinasa PharMalagasy izay niheverany ho orinasa hamokatra fanafody ho jifaina manerantany izy, tsy mbola nahi-

tam-bokatra anefa ity orinasa ity hatramin'izao. Namonjy ny fivoran'ny sampan'ny Firenena Mikambana tany Vienne-Autriche ny filohan'ny Repoblika, ka tena nanaitra ny Malagasy tsy vakivolo tokoa ny nanoloran'ny Sampandrahaharan'ny Firenena Mikambana, ONUDI, amboara amin'ny maha tompondaka (champion) azy eo amin'ny fananganana industria. Rehefa jerena anefa ny zava-bitan'izao fitondrana Rajoelina Andry izao eo amin'ny sehatry ny ozinina fanodinana akora fototra dia diso fanantenana ny maro. Tsiahivina ireo « fanomeza toky » nataony tany amin'ireo faritra notsidihany. Tany amin'ny Faritra Vakinakaratra dia nilaza teo imasom-bahoaka fa hanangana ozinina hanodinana ny vokatry ny tantsaha toy ny legioma sy voankazo izay hatao am-by fotsy dia haondrana any ivelany. Tsy mbola nisy nitsangana izany na iray aza ary ny ozinina « Tiko » nanodina ronono ho « yaourt » sy dobera ary fromazy aza nataon'izao fitondrana izao izay nanakatonana azy. Very asa ny olona amin'arivony ary sarotra ho an'ny tantsaha no mahita mpanjifa ny ronono vokariny. Nankalazaina ny fananganana ny ozinina hanamboatra fiarakodia nomena anarana "Gasy Car". Efa neparitaka tany ivelany tany ny maketen'ny fiara sy "moto" mitondra io anarana io kanefa dia tsy mbola napetraka ny vato fehizorron'izany ozinina izany hatramin'izao. Tonga tany Ambilobe ny vadin'ny filohan'ny Repoblika nametraka ny "vato fototra" ny ozinina hamokatra "ethanol" hitsinjovana ny mety tsy fisian'ny lasantsy. Ny vato fototra no napetraka fa ny ozinina tsy mbola tafatsangana hatramin'izao. Lasa kabary ambony vavahady ihany ny nilazan'ny filohan'ny Repoblika hanangana ozinina goavana hamokarana simenitra hamatsy ny aty amin'ny faritra Ranomasimbe Indiana. Na simenitra iray lasaka aza tsy mbola novokarin'izany ozinina izany, tsy mbola hita eny amin'ny mpivarotra akora fanorenana trano. Ny fanontaniana eo am-bavan'ny Malagasy dia taiza ary oviana no nisy solontenan'ity Sampan-draharahan'ny Firenena Mikambana nahita ozinina maro nitsangana teto Madagaskara ka nosotra an-dRajoelina Andry ho tompondaka amin'ny fananganana industria ? Raha fanitsakitsahana ny lalana velona sy ny tsy fanajana ny teny nomeny eto Madagaskara no resahina dia tompondaka amin'izany ny fitondrana Rajoelina Andry.

Andry Tsiavalona

RESAKA FIFIDIANANA

Hanome tolotr'asa mpanisa mpifidy isam-pokontany hono ny CENI

Nanambara ny CENI, na ny Vaomieram-pirenena mahaleotena misahana ny fididianana eto amintsika, fa hanome tolotr'asa mpanisa mpifidy isam-pokontany hono izy ireo. Ny asa hataon'izany mpanisa mpifidy izany dia: fitetezana tokantrano hanisa ireo feno 18 taona no ho mohoatra manerana ny Nosy, fanaovana "saisie" ny mombamomba ny mpifidy ao anaty "tablette". Fakana sary ny takekala fanisana mpifidy. Fandefasana ny antontan-kevitra voarakitra ao anaty "tablette" any amin'ny CID. Ny fepetra takiana ho an'ireo olona ho rai-sina ho mpanisa mpifidy ireo dia 18 taona no ho mohoatra, manana kara-paondrom-pirenena, mahafantatra ny Kaominina hiasany, mahay mampy teny sy manoratra, tsara soratra. Mahita



tsara. Manam-potoana sy vonona amin'ny asa. Tsy mpikambana amin'ny antoko na fikambanana politika. To-teny amin'ny fiaraha-monina. Tsy manana olana amin'ny fiaraha-monina. Monina ao amin'ny Distrika hanendrena azy. Manana mari-pahaizana baccalauréat farafahakeliny. Mahafehy ny firaketana an-tsoratra

diploma voamarina. Ho an'izay liana, afaka manatona ny Biraon'ny Vaomiera misahana ny fididianana eny anivon'ny distrika (CED), maka ny fanampim-panazavana. Eny ihany koa no anatenana ny antontan-taratasy. Ho an'ny CENI amin'izao fotoana ity, mahabe resaka izany satria tsy vitsy ireo mpanao politika sy ny fiarahamonim-pirenena, no manambara fa mitanila dieny ety am-piandohana izany rafitra misahana fididianana izany, ka mbola tokony hodinihana ny momba azy, na hosoloina na hatevenina mba tena tsy homba ny atsy na ny aroa, amin'ny alalan'ny fiakonandoham-pirenena no tokony hanaovana izany. Ka dia ho hitantsika eo ihany ny ho tohiny.

Stefy

NY TENY FIAINANA

Fa nahamenatra ahy ny hangataka miaramila sy mpitaingin-tsoavalny amin'ny mpanjaka hiaro anay amin'ny fahavalonay eny an-dalana, satria efa niteny tamin'ny mpanjaka izahay ka nanao hoe: sy tanan'Andriamanitray mahasoa izay rehetra mitady Azy; fa ny heriny sy ny fahatezerany kosa mamele izay rehetra mahafoy Azy.

Ezra 8:22

COM-TIM Ivato

Nanatanteraka didimpoitra maimaimpoana ho ana zaza miisa 50

Nanatanteraka didimpoitra maimaimpoana faobe ho ana zazalahikely miisa 50 ny sabotsy teo ny COM-TIM Ivato. Ireo zazalahikely natao hasoavana ireo dia manerana ny fokontany miisa 13 tao Ivato distrik'an-Ambohidratrimo sy ny manodidina. Teo anelanelan'ny 1 taona sy tapany, ka hatramin'ny 10 taona ny salan-taonan'izy ireo. Notolorana kilalao sy malabary ihany koa ireto zaza ireto. Teo akaikin'ny CSB II Ivato no nanatanterahana izao hetsika nokarakarain'ny antoko Tiako i Madagasikara eny Ivato izao, tafiditra ao anatin'ny fankalazana ny faha-20 taona nijoroan'ny antoko. Nahohana ny COM-TIM Ivato tamin'izany ny depoten'Ambohidratrimo, sady kestora faha-3 ao amin'ny Antenimierampirenena Mamy Rabenirina.

Isambilo



Ireo avy amin'ny COM-TIM Ivato, nikarakara didimpoitra maimaimpoana faobe ny sabotsy teo.

TONONKALO

Aiza izay mangarahara ?

Tena zava-tsy iainana eto Madagaskara Ny fanaovana ho ambony izany hoe "mangarahara", K'aza gaga raha dia mahina eny foana ny vahoaka Raha vao reny ny mpitondra sy ny ekipa fa hivoaka.

"Inona no foto-diany no dia marobe ireto izy , Nefy anie ny firenena miaina anatin'ny krizy ?" 'Ndeha hitsangantsangana aiza , handanilany vola indray Kanefa ny ady atrehina eto toa vao mainka mahamay ?

Vatosoa sa volamena no hivoaka hanaraka azy ? Be no manontany izany raha vao be ireo bagazy. Hitondra soa ho anay vahoaka sa ho azy irery ihany ? Mila valiny mazava izany rehetra izany !


... Saingy tsy iainana eto izany hoe mangarahara, Fa ireo mba manontany dia voaenjika , voarara. Moa ho diso ve ny sainy , inona no fahotany, Sa dia be ny tsy mazava afenina any ambadika any ?

DADAN'i RIANA (13-08-22)


An-tsary misongadina Ny Valosoa Vaovao

Helisoa, Njaka

Ny sasany amin'ireo sary tokony ho naranty tao amin'ny Magro tany Mahajanga, ao anatin'ny fankalazana ny faha-20 taonan'ny antoko TIM.



Ireo mpitandro filaminana nisakana ny fampirantiana sary, tokony ho nataon'ny antoko TIM, tao amin'ny Magro tany an-drenivohitra Boegny.



AFROBASKET U18 LAHY SY VAVY 2022

Ilay Malagasy Mathias M'Madi no nahazo amboara be indrindra

Nifarana tamin'ny alahady 14 aogositra 2022, tetsy amin'ny "Palais des Sports Mahamasina", ny fifaninanana basikety "Afrobasket U18 lahy sy vavy 2022", izay nanomboka tamin'ny 4 aogositra 2022, ka voahosotra ho tompondaka ny U18 zatovolahin'i Egypta izay nadavo 81 – 54 ny Ankoay U18 zatovolahy Malagasy, teo amin'ny lalao famaranana. I Mali kosa no nitana ny laharana faha-3 teo amin'ity sokajy ity. Ilay mpilalao Malagasy Mathias M'Madi n° 4 kosa, no nibata ny amboara betsaka indrindra tamin'ity fifaninanana ity, satria izy no voahosotra ho Mpilalao Zatovolahy Mendrika indrindra « MVP » nandritra ny Afrobasket U18 Zatovolahy, sy voahosotra ho Mpilalao mpampidi-baolina betsaka indrindra nandritra ny fifaninanana, ka naha-



Mathias M'Madi nanindrahindra an'ireo amboara azony.

zoany amboara iray avokoa ireo. Izy koa dia mbola voafantina anatin'ireo mpilalao 5 men-drika indrindra teo amin'ny sokajy lehilahy "All star 5" Afrobasket U18 Garcons". Tonga nanohana ny Ankoay U18 lehilahy ihany koa tetsy Mahamasina ny Ankoay U18 vehivavy, izay nitana ny laharana faha-4 tamin'ity Afrobasket U18 2022 ity tany Ant-sirabe, raha i MALI no

nandromba ny medaly Volamena sy voahosotra ho tompon-dakan'i Afrika 2022 ho an'ny Sokajy U18 Zatovovavy. Egypta no nitana ny laharana faharoa nahazo ny medaly Volafotsy tamin'ity sokajy ity ary i Angola, no nandromba ny Medaly alimo laharana fahatelo. Haverina indray izay efa voalaza teto amin'ity gazety ity tamin'ny fihintsanan'ny Ankoay U18 vehivavy teo amin'ny lalao

ankatoky ny famaranana, fa tena noderaina ny hananam-po sy fitiavan-tanindrazana nasehoan'ny vahoaka Malagasy, sy ireo mpitia lalao basikety manokana, tamin'ny fano-hanana tsy nisy fepetra an'ireo mpilalaontsika Malagasy hatramin'ny farany, nefo dia mbola haverina ihany koa fa tsy vitan'ny fientanam-po fotsiny ny fahazoana fandresena eo amin'ity fefaninanana iraisam-pirenenia itony, fa misy asa makadiry miaraka aminy ao ambadik'ireny.

Arahabaina na izany aza ny Ankoay U18 lehilahy nahavita nametraka tantara goavana teo amin'ity sehatry ny basikety Malagasy ity, ka tafita hiatrika ny fiadiana ny amboara eran-tany 2023 eo amin'ny sokajy U19., hatao any Hongrie amin'ny taona ho avy.

Rainilita

16ème Rallye du Boeny Team Go Janga

Norombahin'i Mathieu sy Andry Tahina nitondra Subaru Impreza



Ny ekipazy Mathieu sy Andry Tahina niaraka tamin'ny Subaru Impreza.

Norombahin'ny ekipazy Mathieu Andrianjafy (Zaza Maditra) - Andry Tahina Rakotomalala nitondra Subaru Impreza ny fandresena, tamin'ny fifaninanana rally « 16ème Rallye du Boeny Team Go Janga » na ny « rallye vacance 2022 », notontosaina tany Mahajanga tamin'ny 12,13 ary 14 aogositra 2022 lasa teo. Nafotaka dia nafotaka ny andro faran'ny fifaninanana araka ny vaovao voaray avy any andreni-

vohitry ny voninkazo. I Frédérique Rabekoto sy Mick Ratrimoarinosy mbola nitondra Subaru Impreza ihany koa, no nitana ny laharana faharoa tamin'ity fifaninanana ity. Nanampy azy ireo teo amin'ny "Podium" fa nitana ny laharana faha-3 i Freddy Rakotomanga sy Jimmy Rabenatoandro nitondra Isusu D-MAX sady nandromba ny amboara teo amin'ny "catégorie T2".

Rainilita

Tsipy kanetibe Malagasy

Tsy ekena intsony ireo « Concours sauvages » hoy ny Fsbm

Notontosaina nandritra ny hateoana: sabotsy 13, alahady 14 ary alatsinainy 15 aogositra 2022, teny amin'ny Boulodrome PAC "Pé- tanque Ampitatafika Club" eny Am-pitatafika, ka nandrainan'ireo mpilalao "licenciés" avy amin'ny imig-parity ny taranja tsipy kanetibe Fsbm manerana ny Nosy antara ny fifaninanana tsipy kanetibe "Coupe de Madagascar 2022". Ny tale Aina, solontenan'ny Mis, no hanokatra ofisialy an'ity fifaninanana ity "tamin'ny sabotsy 13 aogositra 2022" lasa teo, ka miarahabany an'ireo mpilalao tsipy kanetibe rehetra tonga handray anara amin'ity fifaninanana ity, sy miarahabany manokana koa an'ireo mpitantana vaovao ao amin'ny Fsbm ary nanopazany teny, fa handray ny lalaon'ny Nosy isika eto Madagasikara amin'ny taona 2023, ka hirariana ny handrombahany'ny taranja tsipy kanetibe ny amboara amin'izany fifaninanana izany.

Andriamatoa Hery, filoha leftry ny Fsbm am-perinasa kosa, izay niso-ontena ny filohan'ny Fsbm tamin'io

lanonam-panokafana io dia namanika zavatra fitoloha nazava tsara: 1°- nambarany fa nisy ny fano-loana mpikambana vitsivitsy teo anivon'ny fitantanana ny Fsbm tarihan'ny filohora Andriamierovason Amirodine, ka nambarany sy nasehoany am-pahibemaso tamin'io lanonam-panokafana ny "Coupe de Madagascar de pé-tanque 2022" io ny maro tamin'izy ireo, izay tonga nanotrona ny lano-nana.

2°- nambarany fa mila miasa avy hatrany ireo mpikambana vaovao ireo, ka nomarihana fa efa nahavita nandrafitra ny "calendrier 2022" harahina amin'ity taona ity izy ireo, izay nahafantarana fa ho tontosaina amin'ny faha-7 sy faha-8 ary faha-9 ôktôbra 2022 ho avy izao ny fiadiana ny ho tompondakan'i Madagasikara eo amin'ity taranja ity ary dia hisy koa ny fifaninanana "Open" maromaro efa voafaritra ao anatin'izany.

3°- nambarany ihany koa fa napa-kevitra ny Fsbm, fa tsy maintsy manao fangatahana, ka

manaraka ny rafitra mipetraka ny fanaovana fifaninanana tsipy kanetibe rehetra. Tsy ho ekena intsony, araka izany, ireo "Concours sauvages" etsy sy erao, ka hisy ny sazy hampihirana amin'ireo minia mandika an'izany. Hisy ny fampahafantarana ny daholobe mikasika an'io tranga iray io.

4°- Mivoatra, hoy ny filoha leftry ny Fsbm, ny tsipy kanetibe Malagasy, ka ankoatra ny fanatanterahanana fifaninanana maro samihafa, toy ny nanaovana fifaninanana niarahana tamin'ny "Groupement des ambassadeurs" eto Madagasikara ohatra dia hoezahina ihany koa ny hiverana amin'ny sehatr'asa maro samihafa.

5°- Fantatra fa handray anjara amin'ny AG elective ny Kaonfederasi'on'ny taranja tsipy kanetibe aty Afrika "CASB", hatao amin'ny faramparan'ity volana aogositra 2022 ity ny filohan'ny Fsbm. Midika izany, hoy izy, fa efa tsy misy fiereretana intsony izany hoe sazy mihâtra amin'i Madagasikara izany eo amin'ny sehatry ny tsipy kan-

tibe maneran-tany. 6°- Namaly ny fanontanian'ny mpanao gazety tamin'ny valandresaky ny "Coupe de Madagascar 2022" teny Andraharo ihany koa ny filoha leftry ny Fsbm, ka nilazany fa "enjeux" an'ity fifaninanana hatrehana ity ny voninahitra ho azon'ireo ekipa ho mpandresy sy ny hanombohan'ny fanaovana "décompte de points", hoan'ireo mpilalao tsipy kanetibe tsy hisy an-kavanaka manomboka izao.

7°- Ny taranja tsipy kanetibe dia fefanajana sy fifankatiavana, ka aoka ny rehetra mba samy handala ny fefanajana ny "Fair-play", hoy hatrany Andriamatoa Hery. Ny Dtn kosa no nazarava tamin'ny antsipirany ny fitsipika hifehy an'ity "Coupe de Madagascar 2022" ity, izay nahitana mpandray anjara nahatratra 158 hoan'ny sokajy séniör lehilahy ary ny teny fohy nataon'ny solontenan'ireo mpitsara 6 hian-draikitra ny fitsarana an'ity fifaninanana ity nialohan'ny nitsosana ny kiririoka fanombobana.

Rainilita

Sakafo Ny Valosoa



Totoken'omby sy anandrano indray, no laoka amin'ny Sakafo eto amin'ny gazetinao androany. Tsara raha hasiana lasary voatabia na lasary tômatty miaraka aminy. Dia mazotoa homana tompoko.

NY VALOSOA sy Mahasoa

Fanafody natoraly ny hemorroïde

Fanafody natoraly ny hemorroïde indray, no Mahaso eto amin'ny gazetinao androany.

ZAVATRA ILAINA:

Hodin'ny 150 maladies na hodin'ny voandelaka 1 lehibe fotsiny. Rano 2 litatra. FOMBA-FIKARAKARANA AZY:

Ampangotrahana miaraka amin'ny rano 2 litatra ny hodin'ny 150 maladies na hodin'ny voandelaka teo, mandritra ny 20 minitra eo ho eo. Rehefa vita izay, dia ahidina ary avela ho matimaty ny hafanany izay vao azo ampiasaina tompoko.

□FOMBA-FAMPIASANA-AZY:

Sotroina Indray kaopy ny maraina sy ny hariva ny tam-bavy efa avy nampangotrahana teo.

FAHARETANY:

Mandritra ny 5 andro misesy no atao izany dia ho si-trana ary afaka taona maromaro vao mety hiverina an-gamba raha hiverina ny aretina hemorroïde.

Tsy maintsy sotroina ilay rano mbola matimaty iny, fotsiny avela ho mangatsiaka. Marihina fa hafanaina hattrany, mba tsy hasiso ity fanafody natoraly ity. Azadinoina fa mety ampiasaina amin'ity fanafody natoraly ity avokoa na hemorroïde interne na externe.



NY VALOSOA sy Mahaliana

Ny tanànan'Antanimenabaka any amin'ny distrikan'Andilamena faritra Alaotra Mangoro

Ny tanànan'Antanimenabaka any amin'ny distrikan'Andilamena faritra Alaotra Mangoro indray, no Mahaliana eto amin'ny gazetinao androany. Renivohitry ny kao-minina Antanimenabaka ity tanàna ity, iray amin'ireo kaominina miisa 8 mandrafitra ny distrikan'Andilamena. Any avaratry ny faritra Alaotra Mangoro no misy azy. Azo lazaina ho efa avo toerana izy satria 921 m ny haavony mihatra amin'ny ranomasina. Vokatra any ny vary, toy izany koa ireo haninkotrana isan-karazany toy ny mangahazo, ny katsaka, ny vomanga. Mpiony omby koa ny mponina any Antanimenabaka.



TETIKASAN'NY FILOHAMPIRENENA HONO

Fianakaviana 300 mahery tadiavina hoesorina amin'ny taniny any Fort-Dauphin

Tetikasan'ny filohampirenena hono, fianakaviana miisa 300 mahery tadiavina esorina amin'ny taniny any Fort-Dauphin faritra Anôsy. Ity Projet présidentiel na tetikasan'ny filohampirenena ity dia kasaina hatao any Libanona, ka fianakaviana 300 mahery no mety hesorina amin'ny toeram-ponenany. Araka ny vaovao voaray, hoesorina tsy misy fepetra izy ireo ary tsy misy hoe halafena aiza fa samy mitady izay handehanany ireo mponina ireo. Eo no ipe-

trahan'ny olana, satria tsy manaiky izao amboletra atao amin'izy ireo izao ireto olona ireto. Voalaza fa hametrahana fibre optique no niatombohan'ny tetikasa dia izao lasa projet présidentiel na tetikasan'ny filohampirenena izao no niafarany. Mampiaka-peo ny any an-toerana noho izany, fa angaha lasa mpiara-miombon'antoka amin'ny Karana hoy izy ireo ny fiadidiana ny Repoblika? Tantara hitohy!

Stefy



Sora-baventy ataon'ireo mponina any Libanona, tsy manaiky ny hanesorana azy ireo amin'ny taniny.

Basket-ball"

Mahomby rehefa tsy itsabahan-dRajoelina

Tafakatra tamin'ny lalao famaranana ny mpilalao basikety malagasy lehilahy, teo amin'ny fiadiana ny amboaran'i Afrika amin'ny sokafy latsaky ny 18 taona, ary mbola ny mpilalao malagasy M'Madi no mpilalao mendrika indrindra nandritra ny fifaniranana.

Mendri-piderana ny mpilalao sy ny federasiôna tamin'izao fahombiazana izao, satria tsy tongatonga ho azy izany, fa tsy maintsy nisy ny ezaka

natao matoa nahavita dingana, etsy andaniny koa dia efa fay angamba ny fitondrana sy ny filoha Rajoelina, ka tsy nitsabaka intsony tamin'ny fikarakarana, dia afaka niasa malalaka ny teknisiana, kanefa azo eritreretina koa ny hoe tsy naharotra an'Ingahy filoha ny basikety, satria tsy noheveriny hoe handresy, fa manomboka izao dia azo antoka fa hidirana 200 isan-jato indray io taranja io dia azon'ny rehetra an-

tsaina ny vokatra ho avy eo fa hifotetaka amin'ny tany indray. Tafakatra ihany koa hiatika ny fiadiana ny tompongaka erantany ho an'ny latsaky ny 19 taona koa ireto mpilalao ireto, satria solontena roa no anjaran'ny kaontinanta afrikana, dia isika sy Egypta izay nanao ny lalao famaranana, no tafita amin'izany dingana goavana izany. Voninahi-pirenena no arovan'ireo mpilalao mala-

gasy amin'izany fiahnana faran'izay goavana izany, ka mila ny fanampiana avy amin'ny rehetra ireo mpilalao, na eo amin'ny hoenti-manana na eo amin'ny fankaherezana ara-tsaina, ary ny tsy kely indrindra dia ny fitondrana azy ireo ambavaka, ka mikasika ilay fanampiana dia manana adidy voalo-hany amin'izany ny fitondrana, ka ny andrandraina dia fanampiana atao amin'ny fo feno fitiavantanindrazana no tokony hatolotry ny fitondrana, fa tsy sanatria hatao fitao-vana politika indray ireo mpilalao, sady ny ho lany amin'izany koa anie dia vola avy amin'ny vahoaka fa tsy vola avy any antsikinany mpitondra e ! Isika eto amin'ny Gazety Ny Valosoa Vaovao dia miaraha sy mankahery ireo mpilalao ary mirary an'izy ireo ho tonga amin'ny dingana avo, ary amim-panetrentena no iangavantsika ireo mpitondra, indrindra f'Ingahy Filoha Rajoelina, tsy hisovaly ny dingana vita sao sanatria ho tonga amin'ny toerana misy ny "Barea" indray ireto Ankoay lahy ireto.

Ny Valosoa



Ny Ankoay an'i Madagasikara sokajy zazalahy.

Ambohipo Boriboritany faha-2

Trano nirehitra vokatry ny fipoahana gaz



Ny toerana nisy ilay trano may teny Ambohipo.

Taitra vao maraina ny teny Ambohipo Boriboritany faha-2 eto Antananarivo Renivohitra ny alahady teo, nisy fipoahana mahery vaika teny an-toerana tamin'io fotoana io, nisy trano nirehitra noho ny fipoahana entona fandrehitra na gaz. Araka ny fanadihadiana sy ny nambaran'ny mponina manodidina, gaz tsy nihidy tsara no nahatonga ny fipoahana. Samy nisomebiseby namonjy ilay trano may ny mponina manodidina mba tsy hiitaran'ny afo, izay nahiana ho niitatra noho ny fahamaizana be.

Niaina

Amoron-dranomasina Toamasina

Toeram-pivarotana miisa 7 may kilan'ny afo

Nisehoana haintrano ny faran'ny herinandro teo, teny amoron-dranomasin'i Toamasina any amin'ny faritra Atsinanana. Toeram-pivarotana miisa 7 no kilan'ny afo ny alahady tolakandro teo, teny amin'ny "stands" manaloana ny Auximad amoron-dranomasina. 4 minitra taoorian'ny antso dia tonga teny an-toerana ny sampana mpampony voina ao amin'ny Kaominina ambonivohitra Toamasina. Tombanana ho fifampikasohana rianaratra (cours circuit), no nahatonga ny fahamaizana, hingana be ny fiparitahan'ny afo noho ny fisian'ny fitaviana fampangatsiahana nampiasain'ireo mpivarotra sy ny fitsokan'ny rivotra mafy dia mafy teny an-toerana, ka nampitatra izany fahamaizana izany, ireo trano koa dia vita amin'ny hazo sy falafa ka nampihanaka ny afo. Voalaza fa nisy fahatarana ihany koa ny fampandrene-sana ireo sampana mpampony voina, ny laharana mety ahazoana ny mpampony voina ao Toamasina dia ny 0346806205.

Stefy



Ireto trano may kilan'ny afo tany Toamasina.

Nampihorohoro an'Alaotra Mangoro

Lavon'ny balan'ny zandary i Bevolomaso mpaka an-keriny gaigilahy

Lavon'ny balan'ny zandary i Bevolomaso mpaka an-keriny gaigilahy, nampihorohoro ny faritra Alaotra Mangoro iny. Tao arian'ireny fakana an-keriny nisesisesy tao amin'ny Faritra Alaotra Mangoro ireny, indrindra ny tao amin'ny Distrikan'i Moramanga tapany avaratra iny dia nataon'ireo ekipa manokana miady amin'ny fakana an-keriny ao amin'ny Groupement de la Gendarmerie Alaotra Mangoro hazalambo ireo Jiolahy raindahiny amin'ny fakana an-keriny, izay voaporofa anisan'ny fantatra amin'izany fakana an-keriny izany ny Jiolahy atsoina hoe Dimby kely na Bevolomaso, izay nandray anjara mivantana tamin'ny fakana an-keriny tao amin'ny fokontany Antanifotsy Kaominina Analaso sy Fokontany Antseva Kaominina Mandialaza Distrikan'i Moramanga. Napetraky ny mpitandro filaminana ny velam-pandrika maty paika afahana manenjika an'ny Dimby kely, ka ny alahady teo, tokony tamin'ny 06 Ora hariva tany ho any dia nifanefatra tamin'ny Zandary manokana miady amin'ny fakana an-keriny tarihan'ny Kapiteny Razafimamonjy Jean Richard Commandant Compagnie Moramanga i Dimby kely, izay teo amin'ny kihon-dalana ho any Moratelo Kaominina Ambanivohit' Andaingo. Vao nahita ireo Zandary ity Jiolahy ity dia avy hatrany dia nitifitra, tsy nanaiky ho lembenana ihany koa ireto Zandary ireto, ka avy hatrany dia namaly ny tifitra nataon'ity Jiolahy raindahany ity, ka raikitra ny fifampitifirina. Lavon'ny Zandary izay tarihan'ny Kapiteny Razafimamonjy Jean Richard i Dimby kely, mbola niaraka taminy ny basy PA sy moara. Manentana hatrany ny Commandant Compagnie Moramanga, ny mba hifanomezana vaovao hamongorana ny mpanao ratsy ary mampitandrina an'ireo olona mpiray petsapetsa amin'izy ireo koa.

Niaina



Ilay jiolahy maty voatify ny zandary.

Mpiandry raharaha

PHARMACIES DE GARDE
13/08/2022 hatramin'ny
20/08/2022

- 67HA (face Eglise Luthérienne) 020 22 253 61

- VOLAHANTA (Anosibe près du rond point vers Soanierana) 020 22 355 09/034 24 334 86

- IARIVO (Analakely en face Institut d'hygiène sociale) 020 22 224 26/020 22 699 19/034 16 326 06

- AMBANIDIA (Ambanidia) 020 22 255 50/033 05 255 50

- MAHAVOKY (Mahavoky Andravoahangy) 020 22 255 51/034 89 056 09

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopitaly Befelatanana :
22 223 84 / 22 6 N72 21

Hopitaly Loterana Ambohibao :
22 441 88 / 22 485 17

Clinique des Soeurs Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel : 03 35 47 /
Orange : 032 32 3547

Pompiers :
Tél : 118/ 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidia : 22 309 46
3° Antaniantro : 22 291 30
4° Isotry : 22 280 51
5° Mahamasina : 22 280 48
6° Ambohimaranina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao mifeso
intelo
isan-kerinandro
Vidiny: 300 Ar
Adiresy: lot T 70 Ankadindrantombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsialvalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanantanahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1332-08-2022
Isan'ny natonta: 10 000

Tsy azo adika, na alain-tahaka,
na antsantsa ampahibemaso
raha tsy ahsaona alalana vita
soratanana avy amin'ny
tompony

RANDRANA SENDIKALY

Tokony ho raisina isam-bolana ny vola fisotroan-dronono

Mitaky ny fanovana an'ireo andinin-dilana mifehy ny «Code de Prévoyance sociale», ny vovonana Randrana sendikaly ary tonga tetsy amin'ny biraon'ny Cnaps Ampefiloha ireto farany ny zoma teo, mitaky fihaonana mivantana tamin'ny tompon'andraikity ny Cnaps, mba hahafhana manatanteraka an'izany fanavaozana izany. Nilaza Andriamato Rakotomanga Barison, sekretera Jeneralin'ny Randrana Sendikaly, fa tsy ekena intsony ny famerenana vola fisotroan-dronono ho an'ny mpiasa misotro ronono izay tsy nahafeno latsakemboka telo-volana miisa 100 ary ny mampalahelo dia ilay tahan'ny latsakemboka 1% fotsiny no averin'ny Cnaps amin'ny mpiasa misotro ronono, fa tsy ilay tahan'ny latsakemboka 14%, izay efa naloan'ny mpiasa hatramin'izay. Nahohy fanazavana ity Sekretera jeneralin'ny Randrana Sendikaly ity, fa anisan'ny fanavaozana lalana takian'ny Randrana



Ireo avy amin'ny Randrana Sendikaly.

Sendikaly ny tsy famerenana ny vola fisotroan-dronono ho an'ny mpiasa tsy nahafeno telo-volana miisa 100, ny fandraisan'ny mpiasa misotro ronono ny vola fisotroan-dronono isam-bolana; ny fiakaran'ny tahan'ny fisotroan-dronono mifanaraka amin'ny fiakaran'ny vidim-painana. Nanamafy Andriamato Rakotomanga Barson, fa mitaky ny famoahana sy fahafantana ny sata mifehy ny «Code de prévoyance sociale» eo anivon'ny Cnaps ny Randrana Sen-

dikaly ary mitaky ny fanovana ny lalana mifehy an'ity «Code de prévoyance Sociale» ity, mba hanatsarana ny fianan'ny mpiasa misotro ronono eo amin'ny sehatra tsy miankina. Efa nanatitra taratasy fihaonana tam'in'ny mpitantana ny Cnaps ny Randrana Sendikaly, mba handinhana an'ity raharaha ity ny 30 Jona 2022 lasa teo kafe tsy novalian'ny tompon'andraikitra eo anivon'ny Cnaps izany fangatahana izany ary ny zavatra mampalahelo dia ny fanoloana mpitantana ao amin'ny Cnaps, no laharan-pahamehan'izy ireo, fa tsy ny fanovana ny lalana velively, ho fitsinjovana ny mpiasa. Andro iraisam-pirenena ho an'ny tanora ny zoma 12 Aogositra 2022 lasa teo, fo-toana iray nahafahan'ny Randrana sendikaly naitra ny mpitondra firenena, mba hijery ny fantsarana ny tontolon'ny asa ho an'ny tanora mpiasa.

Franck Razakambelo

BEHARO

Teny tondro (Ny Valosoa Vaovao) N° 402

BL = Bory Loha
BR = Bory Rambo

MIV = Mivadika
MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valliny Teny Tondro (0401)

Mitsivalana

- Pataloha - Sata
- Akalana - Inri - Ory
- Rano - Ilo - Rava
- Antsa - At - Ma (miv)

Mitsangana


- Paraky - Naka (miv) – RN (miv)
- Rava - Ma (miv)
- Tantara
- Sola (miv) – IV
- La – As
- Ony – Ao
- Halatra
- Miato (miv)

Sainte-Marie

Hanomboka ny 18 aogositra izao ny « baleines en fête 2022 »

Hanomboka ny alakamisy 18 aogositra ho avy izao, katsy hifarana raha tsy ny alahady 21 aogositra ny het-sika momba ny fizahantany, sy kolontsaina ary fanta-tanjahantena : « baleines en fête 2022 » hatao any amin'ny Nosy Sainte-Marie, na Nosy Boraha, any amin'ny faritra Analanjirofo. Mpikarakara izao hetsika izao ny ministeran'ny fizahantany, ny OTSM na Ofisin'ny Fizahantany any amin'ny Nosy Sainte-Marie, ireo mpandraharaoha any an-toerana ary ireo tompon'andraiki-panjakana sy olom-boafidy. Hetsika maro samy hafa no hatao any an-toerana mandritra ny efafana, hetsika ara-pizahantany sy toekarena, ny fijerena ireo Baleines na Zanaharibe, na Trozona, hetsika ara-panatanjahantena, sy ara-javakanto maro samy hafa, diabe na carnaval atao'nny sokajin'olona samihafa any an-toerana.

Aly



Haresaka ny any amin'ny Nosy Sainte-Marie amin'ny fiafaranteny herinandro ity.

TENY MIFANAPAKA

N° 402

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Mitovy amin'ny masina – Notanterahina vao haingana
2. Foto-tenin'ny fanadinana (miv) – Bengy
3. Sahala – Lavitra (miv)
4. Amboarina tsara – Kianteny (miv)
5. Efa miomana tsara – Tao
6. Taova – Ao amin'ny Boky
7. Mamputovy ny akoho sy ny akanga – Rainy
8. Nanohana (miv) – Hery sy tanjany (miv)
9. Toerana – Ao amin'ny fery
10. Fanomezana ara-bola

Mitsangana

- A. Bota – Maneno, manako
- B. Manahirana (miv) – Toerana
- D. Foko
- E. Salama (miv) – Ambany
- F. Mandalina maharitra (miv)
- G. Vizana – Hita ao amin'ny zipo
- H. Tsy lavitra – Fana-fody
- I. Maneho fanoherana – Vorona
- J. Rango-pohy (miv) – Mpanoritra
- K. Hamerezana

Valiny Teny mifanaraka 0401

Mitsivalana

1. Ampelatovo
2. Koa - Erina
3. Ody - Ota - Zo
4. Nino - Mav(o)
5. Dago - Kaina
6. Kanety
7. Atao (miv) - Rarid(a)
8. Orana - Ana
9. Akaton - Ry (miv)
10. Sa - Trano (miv)

Mitsangana

- A. Akondro - As
- B. Modia - Aoka
- D. Paingotra
- E. OO - Aato
- F. Leo - Non(o)
- G. Antakarana
- H. Tia - Ana - Ar
- I. No (miv) - Miera
- J. Vazantany
- K. Ovainare(o)

An-tsary misongadina Ny Valosoa Vaovao

Helisoa, Njaka

Ireo mpitandro filaminana nisakana ny fidirana tao amin'ny Magro Mahajanga.



Ny Filoha Marc Ravalomanana, nanatrika ny fotoam-pivavahana famarananana ny fihaonamben'ny Tanora Loterana Malagasy (FKTLM), tany amin'ny tora-pasiky ny Village Touristique Mahajanga.

